

# Canzona pè Laura

Era eiu issu zitellu  
Di e mane nivaghjone  
Marchiava nantu à u stradone  
À latu à u mio fratellu

Era eiu issu zitellu  
Di e corte di e scole  
Di e seratiche fole  
L'ochji persi indu e stelle

Era eiu issu zitellu  
Di l'ore più partimpine  
À a chjama di u mio cuginu  
Per andà appressu à l'agnelli

Era eiu issu zitellu  
Di u pozzu à a vaccaghja  
Di e scialmane di l'aghja  
Di l'aostu imbrunipella

Era eiu issu zitellu  
Vecchju cum'è a natura  
Saziu di e to primure  
U core appesu à issu cantellu

Era eiu issu zitellu  
Ma in l'ochji d'una ciuccia  
Oghje sò quellu zitellu  
Oghje sò quellu zitellu